

INOVASI


**S**EBUAH Pusat Kecemerlangan Industri Perternakan Lembu Tenusu (UPM-ICoE Dairy Farm) akan ditubuhkan Universiti Putra Malaysia (UPM) dan syarikat The Holstein Milk Co. Sdn. Bhd. (THMSB).

Naib Canselor UPM, Prof. Datin Paduka Dr. Aini Ideris berkata, memorandum perjanjian (MoA) bersama THMSB dibuat bagi membangun dan memindahkan teknologi perternakan serta penghasilan tenusu dan produk berkaitan tenusu.

"MoA berkenaan juga akan membantu meningkatkan infrastruktur Unit Tenusu, Taman Pertanian Universiti (TPU), UPM kepada 40 hingga 60 hektar daripada keluasan asal iaitu sembilan hektar," katanya yang berharap usaha sama berkenaan akan membantu mengurangkan import produk tenusu.

Sementara itu, Pengarah Urusan Holstein Milk Company, Loi Tuan Ee berkata, penubuhan UPM-ICoE Dairy Farm itu menjadi peneraju bagi tujuan pengajaran, pembelajaran, penyelidikan dan kepakaran dalam pengurusan industri tenusu negara.

"MoA bersama UPM selama 10 tahun ini membolehkan kedua-dua pihak membangunkan UPM-ICoE Dairy Farm supaya sektor ternakan di Malaysia menjadi lebih inovatif," ujarnya.

THMSB melalui anak syarikatnya, Farm Fresh telah memenangi gelaran syarikat paling berketerampilan di Pameran Asia Livestok 2015. Ia merupakan sebuah

# UPM bantu majukan industri tenusu negara



AINI IDERIS (tengah) bersama Tuan Ee (tiga dari kanan) berkerjasama dalam membangunkan dan memindahkan teknologi perternakan serta penghasilan produk tenusu.

syarikat peneraju yang telah dilantik kerajaan Malaysia untuk membangunkan industri susu segar negara.

THMSB memiliki dua buah ladang tenusu di Kota Tinggi, Johor dan Muadzam Shah, Pahang serta sebuah ladang pengeluaran baka lembu tenusu tropika di Australia.

Syarikat itu sekarang, memiliki kira-kira 3,500 ekor lembu tenusu *superior Australia Friesia Sahiwal* yang amat sesuai dengan iklim tropika.

Farm Fresh menguasai lebih daripada 39 peratus pasaran susu segar di Malaysia.



ANTARA produk Farm Fresh keluaran syarikat The Holstein Milk Co. Sdn. Bhd.